



Tsab Cai Txog Kev Pab Nyiaj Them Nqi

Tsab cai:

Children's yuav muaj kev pab nyiaj them nqi rau cov neeg mob thiab/los sis cov neeg them tus neeg mob cov nqi. Tsab cai no hais txog qhov txheej txem thov kev pab nyiaj them nqi, seb muaj cov lus qhia txog tsab cai li cas thiab lub hauv paus uas siv los txiav txim rau kev muaj cai tau. Children's nkag siab tias cov neeg mob thiab/los sis cov neeg them tus neeg mob cov nqi mas tej zaum yuav them tsis tau rau cov nqi kho mob tim tsev kho mob vim muaj tej yam xwm txheej uas xam tsis pom, tsis muaj kev tuav pov hwm los sis tus nqi uas yus them yus ntawd nws tshaj qhov uas lawv yuav them taus lawm. Tau soj ntsuam tsab cai no kom ua raws li Internal Revenue Code 501(r).

Children's yuav txwv tus nqi tsub rau txoj kev pab thaum muaj xwm ceev thiab/los sis lwm cov kev kho mob uas muaj cai tau pab rau cov neeg mob thiab/los sis cov neeg pab them tus neeg mob cov nqi uas tsim nyog rau txoj kev pab hauv tsab cai no kom tsis txhob ntau tshaj tus nqi uas feem ntau tsub (amounts generally billed (AGB)) rau cov neeg mob uas muaj kev tuav pov hwm.

Cov kev txo nqi kom txo mus rau tus nqi uas feem ntau tsub mas yuav tso cai txo tam li yog feem pua tawm ntawm tag nrho tus nqi raws qhov uas tau teem muaj thiab kev pom zoo uas tau teeb tsab hauv tsab cai no.

Cov kev txo nqi rau cov tsev neeg uas tau qhov kev txo nqi vim muaj kev ntxhob siab uas muaj kev tuav pov hwm mas yuav rho tawm raws qhov nqi them ua ntej (deductible) thiab/los sis kev koom them (coinsurance) uas tseem tshuav.

Cov kev pab uas tsis muaj kev pab them nqi mas yuav tso cai txo nqi kom sib npaug li qhov txo nqi uas tsis muaj kev tuav pov hwm.

Tsab cai no tham txog tag nrho cov kev pab, nrog rau cov kev pab thaum muaj xwm ceev, qhov tsis suav ces tsuas yog cov khw muag khoom xws li chaw muag tshuaj, chaw noj mov thiab chaw nres tsheb.

Tsab cai no tham txog cov kev pab uas tau muab thiab xa nqi tawm ntawm Children's cov tsev kho mob thiab cov chaw kho mob uas tsis tau pw kho mob, nrog rau nws lub tsev kho mob thiab cov tsev kho mob me hauv zej zos thiab cov tsev kho mob me tshwj xeeb. Tsab cai no tsis hais txog cov kws kho mob uas tsis ua hauj lwm hauv Children's los sis tsis xa cov nqi rau cov kev pab kho mob tawm ntawm Children's. Muaj ib daim ntawv teev cov chaw uas hais txog hauv tsab cai no nyob rau Daim Ntawv Ntxiv Tom Qab A (Appendix), uas yuav muab los kho txhua peb lub hlis twg.

Cov ntsiab txhais:

Qhov nqi uas feem ntau tsub (AGB): Txwv tus nqi tsub rau txoj kev pab thaum muaj xwm ceev thiab los sis lwm cov kev kho mob uas tsim nyog yuav tau pab rau cov tib neeg uas muaj cai rau txoj kev pab nyiaj them nqi kom tsis txhob ntau tshaj tus nqi uas feem ntau tsub (AGB) rau cov neeg mob uas muaj kev tuav pov hwm.

Children’s tau xaiv tus txheej txheem ‘saib rov qab’. Qhov AGB yog xam txhua xyoo los ntawm qhov faib 12 lub hlis ntawm cov nqi uas pub ntxiv nyiaj rov qab rau cov nqi tsub uas tsis tau rho dab tsi tawm li. Txoj kev xam no suav cov nqi uas them los ntawm Medicare, Medicaid thiab tag nrho cov chaw tuav pov hwm uas yuav sab nraud tib si. Yuav tsum tau siv ib tug AGB feem pua tshiab thaum txog hnuv 120 hnuv tom qab lub sij hawm 12 lub hlis uas siv los xam tus AGB.

Cov Nqi Uas Tsis Tau Them: Cov nqi uas tsis tau them yog txhais tias yog cov nqi uas tsis tau them rau txoj kev kho mob uas tau muab rau tus neeg mob uas pom tias yuav them taus, tiam sis ho tsis kam them cov nqi.

Kev tsib nqi nruj (Extraordinary collection actions) (ECA) Muaj plaub hom kev yuav los sau nqi uas xav tias yog kev sau nqi kom nruj (extraordinary collection actions) (ECA);

- 1) Siv kev cai lij choj los sau nqi (piv txwv li, muab nws cov khoom los tuav cia kom txog thaum them cov nuj nqis (Liens), vaj tsev raug poob rov qab, txiav tej nyiaj tau mus them nuj nqis (garnishments), yuam cov as khauj tim tuam txhab tso nyiaj los sis vaj tse, sib foob nram tsev hais plaub, ntes kaw
- 2) Muag cov nuj nqis rau lwm tus sab nraud
- 3) Qhia txog qhov tsis them nuj nqis mus rau cov koom haum saib xyuas kev them nqi
- 4) Ncuu los sis tsis kam muab kev pab kho mob uas tsim nyog (los sis yuav tsum tau them nqi ua ntej muab kev pab) vim tias tsis tau them rau cov kev pab kho mob yav dhau los uas tau muaj nyob hauv tsab cai txog kev pab nyiaj them nqi.

Kev Pab Nyiaj Them Nqi: Children’s muaj cov kev pab nyiaj them nqi rau cov neeg mob thiab/los sis cov neeg pab them tus neeg mob cov nqi, nrog rau kev txo nqi vim muaj kev ntxhov siab thiab kev pab txo nqi rau qhov uas tsis muaj kev pab tuav pov hwm. Qhov ib tsev neeg muaj cai tau cov nyiaj pab mas yuav nyob ntawm seb tau nyiaj li cas, muaj pes tsawg tus neeg hauv tsev neeg, muaj peev xwm them tau li cas thiab/los sis kev pab them nqi los ntawm qhov chaw tuav pov hwm. Yuav tshab txhais qhov uas seb muaj pes tsawg tus neeg hauv tsev neeg raws li txoj cai uas tsim nyog.

Txo Nqi Los Ntawm Kev Ntxhov Siab: Kev txo nqi los ntawm kev ntxhov siab yog ib qho kev txo nqi ntawm tus nqi tsub ua ntej txiav lwm yam tawm, tso cai rau cov tsev neeg uas muaj kev tuav pov hwm los sis tsis muaj kev tuav pov hwm, uas nws cov nyiaj tau thiab qhov uas seb muaj pes tsawg tus neeg hauv tsev neeg nws qis dua nom tswv teb chaws tus qauv teeb tseg txog feem txom nyem (federal poverty guideline) uas tau teeb rau hauv tsab cai no.

Muaj pes tsawg leej hauv tsev neeg: Qhov muaj pes tsawg leej hauv tsev neeg mas yog nyob raws seb muaj pes tsawg tus me nyuam uas tau kev pab los ntawm tsev neeg; yuav tsum tau suav cov nyiaj yug me nyuam uas tau txais rau hauv qhov nyiaj tau thiab. Ib tse neeg tseem yuav tso tau cov niam txiv thiab cov me nyuam uas muaj hnuv nyoog txog 20 xyoo (xwm yeem nrog Medicaid cov qauv). Tsis suav niam tais yawm txiv los sis pog yawg.

Cov kev pab uas tsis kam them: Cov kev pab kho mob uas Medicaid/Medicare tsis kam them rau los sis tus neeg mob txoj kev tuav pov hwm tsis kam them rau; piv txwv li, txiav daim taw qauv (circumcisions), cov yas tso rau hauv pob ntseg (ear tubes) thiab tej yam ua kom zoo nkauj.

Sua Lus Txog Lub Ntsiab Tseem Ceeb: Ib sob lus luv luv txog seb yuav tsum tau muaj dab tsi thiaj li muaj cai tau, tus txheej txheem thov kev pab thiab muaj kev pab dab tsi raws li hauv tsab cai pab nyiaj.

Kev Xav Tias Tej Zaum Muaj Cai Tau: Tej co as khauj mas yuav suav tias yog ib qho kev pab nyiaj them nqi uas poob peev raws pawg neeg tswj txoj kev txiav txim tias tus neeg mob/tus neeg them tus neeg mob cov nqi them tsis tau tag nrho los sis ib feem ntawm cov nqi tiv. Qhov no suav cov as khauj thaum kawg hauv txoj kev sau nqi uas tsis muaj kev tuav pov hwm los ntawm Medicaid rau hnuv tim uas muaj kev pab tiam sis qhia tias muaj kev tuav pov hwm los ntawm Medicaid tam sim no thiab cov kev pab uas tau muab rau cov tsev neeg uas tsis muaj vaj tse nyob uas tsis muaj kev tuav pov hwm. Yuav muab pov thawj txog qhov kev xav tso rau hauv chav fai ua lag luam cov ntaub ntawv thiab yuav tsum tau kev tso cai los ntawm Tus Thawj Saib Xyuas Txog Kev Tswj Ntawm Kev Tau Nyiaj (Director of Revenue Management) los sis tus neeg uas nws xaiv los sawv cev.

Tus txheej txheem:

Tus Qauv Siv Hauv Kev Muaj Cai Tau: Ib tug neeg mob thiab/los sis tus neeg them tus neeg mob cov nqi txoj kev muaj cai tau kev pab nyiaj them nqi yog raws txoj kev soj ntsuam seb tim tsum dab tsi.

Children's muaj cov kev txo nqi sib txawv nyob ntawm seb tus neeg mob thiab/los sis tus neeg them tus neeg mob cov nqi puas muaj kev tuav pov hwm sab nraud.

Tus neeg mob/tus neeg them tus neeg mob cov nqi yuav tsum tau ua raws li tag nrho Children's tus txheej txheem thov kev pab mas thiaj li yuav tau txais tus nqi txo los ntawm kev pab nyiaj them nqi.

Tus neeg mob/tus neeg them tus neeg mob cov nqi yuav tsum tau thov tag nrho xeev thiab nom tswv teb chaws cov kev pab nyiaj them nqi uas muaj rau lawv ua ntej lawv yuav tau txais Children's txoj kev pab nyiaj them nqi.

Tsab cai no yog siv rau cov neeg mob / cov tsev neeg uas nyob hauv cheeb tsam muab kev pab hauv tsib lub xeev (Minnesota, Iowa, North Dakota, South Dakota thiab Wisconsin). Cov neeg mob uas nyob tawm sab nraum cheeb tsam no mas yuav sai ib tug zuj zus.

Muaj ib lub tshuab xam zauv txog qhov kev pab nyiaj them nqi nyob hauv peb lub vas sab (website) los pab cov neeg mob/cov neeg them tus neeg mob cov nqi kom nkag siab txog seb lawv puas yuav muaj peev xwm tau txoj kev pab. <http://www.childrensmn.org/forms/financialcalculator/index.php>

Children's, nyob ntawm nws qhov kev txiav txim, yuav xaiv tau qhov tsis kam siv tsab cai no rau cov neeg los sis cov tib neeg uas txhob txwm tsis ntxiv cov me nyuam rau hauv cov kev tuav pov hwm uas muaj los sis cov kev pab uas xeev pab nyiaj rau los sis tsis xa cov ntaub ntawv txog cov kev pab ntawm txoj kev tuav pov hwm uas Children's thiab/los sis lub tuam txhab tuav pov hwm tau thov kom

xa tuaj ntawd kom raws sij hawm.

Cov koom haum thiab cov tsev teev hawm uas ua niam qhuav txiv qhuav rau cov me nyuam uas tau kev pab kho mob ntawm Children's mas yuav muab ib qho kev txo nqi rau uas tsis ntau tshaj cov nqi tsub uas feem ntau xa rau cov neeg mob uas muaj kev tuav pov hwm. Children's yuav suav lwm yam uas tej zaum yuav muaj feem rau hauv txoj kev txiav txim los pom zoo los sis tsis pom zoo rau txoj kev pab nyiaj them nqi. Tus txheej txheem ua qhov uas tsis suav ntawd mas muaj tshab txhais nyob rau lwm ntu hauv tsab cai no.

Muaj cov lus qhia txog tsab cai pab nyiaj them nqi:

Nws yog txoj dej num ntawm txhua tus neeg ua hauj lwm hauv Children's los txheeb thiab qhia rau cov neeg tias muaj kev pab nyiaj them nqi.

Children's nquag txheeb xyuas tag nrho cov neeg mob uas pw tim tsev kho mob thiab cov neeg mob uas tsis pw tim tsev kho mob uas muaj kev pab nyiaj tsawg, cov muaj qhov nqi them ua ntej (deductible) siab los sis cov neeg mob uas tau nyiaj Supplemental Security Income (SSI) uas muaj cov kev tsis taus uas muaj peev xwm tau

- **Kev pab los ntawm SSI**
- **Medicaid (nrog rau Kev Pab Them Nqi Kho Mob Thaum Muaj Xwm Ceev (Emergency Medical Assistance))**
- **COBRA**
- **Cov kev tuav pov hwm kho mob rau ib leeg**
- **Cov kev tuav pov hwm kho mob rau ib pawg**

Yuav muab tau cov ntawv thov kev pab nyiaj them nqi pub dawb ntawm Children's lub tuam tsev kho mob los sis thov hauv xov tooj, hauv kev xa ntawv hauv xov tooj (fax) los sis hauv kev xa ntawv los sis cia li tuaj nqa thaum lub sij hawm ua hauj lwm li niaj zaus ntawm lub chav fai pab tawm tswv yim txog nyiaj txiag. Tseem muaj cov ntawv thov kev pab ntawm qhov chaw tos txais qhua nyob hauv txhua lub tsev kho mob thiab hauv chav kho mob thaum muaj xwm ceev txhua lub sij hawm txhua hnuv hauv lub as thiv.

Children's – Minneapolis

Tus xov tooj: 612-813-6432

Fax: 612-813-6429

Chaw nyob xa ntawv: Financial Counseling #32-2109, Children's of Minnesota, 2525 Chicago Ave S, Minneapolis, MN 55404

Qhov chaw: Family Resource Center, 2nd Floor, nyob sab tov ntawm lub tsev kho mob lub rooj Tos Txais Qhua

Children's – St. Paul

Tus xov tooj: 651-220-6367

Fax: 651-220-6125

Chaw nyob xa ntawv: Financial Counseling #60-247, Children's of Minnesota, 345 N Smith Avenue, St Paul, MN 55102

Qhov chaw: Family Resource Center, River Tower, 3rd Floor, #3107

Tsab cai txog kev xa nqi thiab sau nqi, daim ntawv thov kev pab thiab sua lus txog lub ntsiab tseem ceeb mas tau muab txhais rau cov neeg uas tsis paub lus As kiv zoo.

Tawm Txog	tsev neeg
Children's Tsab	thaum txais pw kho mob
Cai Txog Kev Pab	thaum mus nrog cov kws pab tawm tswv yim txog nyiaj txiag tham
Nyiaj Them Nqi	hauv Children's lub vas sab (website) sab nraud, hauv daim nqi thiab cov ntawv sau nqi rau cov neeg mob/tus neeg them tus neeg mob cov nqi cov ntawv ua lus As Kiv thiab thawj hom lus yuav muab tso los sis dai kom sawv daws pom hauv tag nrho Children's cov tuam tsev ntawm tag nrho cov chaw txais kho mob thiab chaw rau npe nrog rau Chav Kho Mob Thaum Muaj Xwm Ceev

Tus neeg mob/tus neeg them tus neeg mob cov nqi Tus neeg mob/tus neeg them tus neeg mob cov nqi yuav tsum tau thov rau tag nrho xeev thiab nom tswv teb chaws cov kev pab nyiaj uas muaj rau lawv ua ntej yuav tau Children's kev pab nyiaj them nqi.

txoj dej num:

Yuav tsum tau xa daim ntawv thov nyiaj them nqi uas teb tiav hlo nrog rau cov ntawv pov thawj uas yuav tsum tau muaj ntawd mus rau Kev Pab Tawm Tswv Yim Txog Nyiaj Txiag (Financial Counseling) ntawm qhov chaw nyob xa ntawv uas nyob hauv tsab cai no kom lawv txiav txim rau.

Cov ntawv pov thawj txog nyiaj tau uas peb xav tau los ntawm tus neeg mob thiab/los sis tus neeg pab them tus neeg mob cov nqi

- Yog tias koj ua hauj lwm, xa cov tw tshev rau 30 hnub tas los. Yog tias koj cov nyiaj tau nws hloov hli dhau hli, thov muab cov tw tshev rau 90 hnub tas los
- Yog tias koj ua hauj lwm rau koj tus kheej thiab tsis muaj tw tshev, xa ib daim qauv ntawm koj daim ntawv ua se Federal Tax uas tshiab tshaj plaws
- Yog tias koj tau lwm cov nyiaj, nrog rau nyiaj xauj tsev los sis nyiaj yug me nyuam, xa daim ntawv uas qhia seb ib hlis tau pes tsawg
- Yog tias koj tau nyiaj xws li Supplemental Security Income (SSI) los sis Nyiaj Poob Hauj Lwm, xa ib daim qauv ntawm daim ntawv uas qhia tias koj tau pes tsawg

Yog tias tsis teb daim ntawv thov nyiaj them nqi kom tiav hlo thiab tsis xa cov ntaub ntawv pov thawj uas Children's tus neeg pab tawm tswv yim tau sau ntawv thov kom xa tuaj, yuav muab daim ntawv thov kev pab them nqi kaw thiab yuav xa daim nqi uas tsis tau them ntawd mus rau tus neeg mob/tus neeg them tus neeg mob cov nqi. Yuav rov qhib daim ntawv thov kev pab them nqi yog tias tau txais daim ntawv thov kev pab uas teb tiav hlo. Tus neeg mob/tus neeg pab them tus neeg mob cov nqi yuav muaj sijhawm txog 240 hnub ntawm hnub uas xa thawj daim nqi tom qab tawm tim tsev kho mob los thov kev pab nyiaj them nqi.

Daim ntawv thov kev pab uas teb tsis tiav mas yuav tsis txiav txim rau, thiab yuav email ib tsab ntawv thov kom xa cov ntawv uas tseem tshuav ntawd tuaj nrog rau Daim Ntawv Sua Lus Txog Lub Ntsiab Tseem Ceeb ntawm tsab cai muab kev pab nyiaj them nqi.

Chav Fai Tawm Tswv Yim Txog Nyiaj Txiag txoj dej num:

- Thaum txais tau daim ntawv thov kev pab uas teb tiav hlo, tus neeg pab tawm tswv yim txog nyiaj txiag yuav soj ntsuam daim ntawv thov uas teb tiav hlo thiab tag nrho cov ntawv pov thawj raws li cov qauv nram qab no:
- Yog hais tias tus neeg mob thiab/los sis tus neeg them tus neeg mob cov nqi tsis muaj kev tuav pov hwm, txoj kev soj ntsuam seb puas muaj cai tau mas yuav tsum tau yog raws seb muaj pes tsawg leej hauv tsev neeg thiab cov nyiaj tau uas siv nom tswv teb chaws tus qauv teeb tseg txog feem txom

nyem (federal poverty guidelines) rau lub sij hawm muab kev pab ntawd (saib Daim Ntawv Ntxiv Tom Qab B) thiab yuav tsum tau muaj raws li cov qauv txog kev muaj cai tau uas nyob hauv tsab cai no.

- Yog hais tias tus neeg mob thiab/los sis tus neeg pab them tus neeg mob cov nqi muaj kev tuav pov hwm, kev muaj cai tau yug txiav txim los ntawm qhov ntsuam xyuas daim ntawv thov kev pab nyiaj thiab nom tswv teb chaws tus qauv teeb tseg txog feem txom nyem rau lub sij hawm thaum muab kev pab ntawd. Cov neeg mob thiab/los sis tus neeg pab them tus neeg mob cov nqi uas muaj cai yuav tau txais kev txo nqi 30% ntawm qhov nyiaj them ua ntej (deductible) thiab tus nqi koom nrog lwm qhov kev tuav pov hwm (coinsurance). Yuav tsis muaj kev txo nqi rau cov nqi koom them (copayment) uas yuav tau them thaum lub sij hawm muab kev pab.

Tom qab xaus ntawm txoj kev soj ntsuam, lub chav fai muab kev pab tawm tswv yim txog nyiaj txiag yuav xa ib tsab ntawv qhia txog qhov txiav txim ntawm txoj kev muaj cai tau mus rau tus neeg mob thiab/los sis tus neeg them tus neeg mob cov nqi uas qhia rau lawv txog qhov tshawb pom tau los ntawm qhov uas ntsuam daim ntawv thov kev pab nyiaj them nqi.

Lub chav fai muab kev pab tawm tswv yim txog nyiaj txiag yuav qhia rau tus neeg mob/tus neeg pab them tus neeg mob cov nqi txog ib daim ntawv thov nyiaj them nqi uas tsis tiav thaum lub sij hawm thov kev pab ntawd.

Txoj kev soj ntsuam tej zaum yuav siv sij hawm txog 3 av thij ntawm hnuv txais tau daim ntawv thov kev pab uas teb tiav hlo thiab muaj tag nrho cov ntawv pov thawj nrog. Cov as khauj uas qhib yuav muab tuav cia mus 30 hnuv thaum lub sij hawm thov kev pab ntawd.

Yog hais tias pom zoo tau Children's kev pab nyiaj them nqi, yuav sau ib tsab ntawv mus qhia rau tus neeg mob/tus neeg them tus neeg mob cov nqi txog hnuv tim pom zoo thiab yuav pab ntau npaum li cas nrog rau qhov qhia txog cov kev txo nqi ntawm cov nqi tiv.

Cov kev txiav txim txog kev pab nyiaj them nqi mas yuav siv mus ib xyoos.

Chav fai xa nqi txoj dej num: Yuav muab daim ntawv sua lus txog lub ntsiab tseem ceeb ntawm Children's tsab cai txog kev pab nyiaj them nqi tso nrog thawj daim nqi tim tsev kho mob tom qab tawm tim tsev kho mob.

Yuav txais cov ntawv thov nyiaj them nqi mus txog 240 hnuv tom qab hnuv tim hauv thawj daim nqi uas tau xa mus rau tus neeg mob los sis tus neeg them tus neeg mob cov nqi. Koj tsis tas yuav tau rov qab xa daim ntawv thov nyiaj pab ntxiv lawm mus peb lub hlis tom qab hnuv tim hauv daim ntawv thov kev pab nyiaj zaum tas los no.

Yog hais tias tau xa ib daim ntawv thov kev pab uas teb meej tuaj thaum lub sij hawm txais daim ntawv thov kev pab uas yog 240 hnuv ntawd, lub tsev kho mob, yuav ua kom raws sij hawm, yuav ncu cov kev tsib nqi nruj, yuav txiav txim seb tus neeg mob/tus neeg them tus neeg mob cov nqi puas muaj cai thiab yuav sau ntawv qhia rau tus neeg ntawd txog qhov kev txiav txim thiab muab daim nqi uas qhia tias tshuav pes tsawg thiab tau txiav txim txog qhov no li cas.

Children's yuav tsis pib ib co kev tsib nqi nruj mus yam tsawg li ntawm 120 hnuv ntawm hnuv uas xa daim nqi kho mob thawj zaug thaum tawm tim tsev kho mob.

Children's yuav rov cov nyiaj uas tau them tshaj ntawm qhov uas yuav tau them hauv tsab cai pab nyiaj them nqi, uas tsis suav cov nqi them ua ntej (copayments) uas yuav tau them thaum tuaj kho mob rau cov neeg mob uas muaj kev tuav pov hwm

Yog tias tso cai txo nqi rau ib feem, tus neeg mob/tus neeg them tus neeg mob cov nqi yuav tau txais ib daim nqi tom qab txo nqi tas. Yuav tsum tau them kom tag nrho qhov nqi uas tshuav los sis ua hli them. Tej zaum yuav muaj qhov ua hli them uas tsis muaj paj nyob ntawm seb tshuav pes tsawg hauv tus as khauj.

Tsab cai tsib nqi thiab xa nqi: Children's ceev Tsab Cai Txog Tus Txheej Txheem Xa Nqi thiab Tsib Nqi (Billing and Collection Process Policy) rau ib qho. Tsab cai no mas muaj thoob hauv Children's lub vas sab (website), thaum thov kom xa hauv kev xa ntawv mus rau, hauv chav kho mob thaum muaj xwm ceev thiab hauv cov chaw tus neeg mob rau npe.

Pom Zoo Pab Nyiaj Them Nqi: Tag nrho cov nqi uas zam rau (write-offs) mas yuav tsum tau kev tso cai ua ntej raws li nram qab no:

Tus nqi koom them (co-pay) rau cov kev pab hauv tsev kho mob me – tus neeg saib xyuas hauv tsev kho mob me

Tus as khauj tshuav \$0-4,999 – tus neeg pab tawm tswv yim txog nyiaj txiag

Tus as khauj tshuav \$5,000-\$100,000 – tus coj hauv fab nyiaj txiag

Tus as khauj tshuav ntau tshaj \$100,000 – tus thawj hauv fab nyiaj txiag

Cov kev tsis suav: Tus neeg mob thiab/los sis tus neeg them tus neeg mob cov nqi yuav xaiv tau qhov uas thov ib qho kev zam los sis thov kom rov qab saib Children's txoj kev txiav txim txog kev pab nyiaj them nqi.

Cov kev thov kom rov qab saib mas yuav tsum tau thov li ntawm 45 hnub tom qab tsis pom zoo rau qhov kev pab nyiaj them nqi.

Txoj kev thov kom rov qab saib dua los sis thov ib qho kev zam mas yuav tsum tau xa mus rau qhov chaw muab kev pab tawm tswv yim txog nyiaj txiag ntawm qhov chaw nyob uas muaj nyob hauv tsab cai no. Tus neeg saib xyuas hauv kev rau npe thiab kev tawm tswv yim txog nyiaj txiag thiab thawj coj hauv kev tswj ntawm kev tau nyiaj yuav los soj ntsuam qhov kev thov ntawd.

Yuav teb rau kev thov kom rov qab saib xyuas li ntawm 2 as thiv tom qab tau txais qhov kev thov.

Cov kev uas tsis suav rau hauv tsab cai no mas tej zaum yuav tso cai rau cov neeg uas tau nyiaj tshaj cov qauv uas tau teeb cia los sis lawv tsis muaj nyiaj txaus los them raws li cov lus qhia uas tsev neeg tau muab thiab tau soj ntsuam los ntawm Children's.

Yuav siv cov ratios nram qab no thaum los txiav txim txog seb puas muaj peev xwm los them:

1. Cov tsev neeg uas tau nyiaj tshaj 350% ntawm feem txom nyem uas tus as khauj tshuav nqi ntau tshaj 10% ntawm cov nyiaj tau ua ntej txiav se yuav tau txais ib qho kev txo nqi uas sib npaug nrog tus feem pua uas txiav txim rau cov nqi uas feem ntau tsub (AGB)

2. Tag nrho lwm cov kev thov kom zam thiab/los sis kev thov kom rov saib dua mas yuav tsum tau muaj ntaub ntawv pov thawj txog qhov teeb meem thiab qhov tim tsum.
3. Ib tug neeg mob thiab/los sis tus neeg them tus neeg mob cov nqi yuav xa tau ib daim ntawv thov tshiab tuaj yog tias lawv cov kev tim tsum los sis cov nyiaj tau pauv hloov.

Pawg Neeg Tswj Pawg tswj xyuas (board of directors) los sis pawg neeg sawv cev yuav ua qhov
Hwm Dej Num: kev soj ntsuam txhua xyoo txog tsab cai no thiab tag nrho cov cai hais txog kev sau cov nqi kho mob, kev txo nqi rau cov neeg tsis muaj kev tuav pov hwm, thiab kev pab nyiaj them nqi. Pawg neeg tswj tseem yuav soj ntsuam cov kev tshawb pom tau ntawm txoj kev ntsuam xyuas txhua xyoo hais txog cov no raws li hauv Minnesota Attorney General's Daim Ntawv Cog Lus.